

四庫全書

集部

欽定四庫全書

御定全唐詩卷六百九十三

杜荀鶴

感寓

大海波濤淺小人方寸深
海枯終見底人死不知心

春閨怨

朝喜花豔春暮悲花委塵
不悲花落早悲妾似花身

馬上行

五里復五里去時無住時日將家漸遠猶恨馬行遲

釣叟

茅屋深灣裏釣船橫竹門經營衣食外猶得弄兒孫

再經胡城縣

去歲曾經此縣城縣民無口不冤聲今來縣宰加朱紱
便是生靈血染成

讀諸家詩

辭賦文章能者稀難中難者莫過詩直應吟骨無生死

祇我前身是阿誰

春來燕

我屋汝嫌低不住雕梁畫閣也知寬
大須穩擇安巢處
莫道巢成却不安

清溪來明府出二子請詩因遺一絕

珠明玉潤盡驚人
不稱寒門不稱貧
若向吾唐作雙瑞
便同祥鳳與祥麟

哭陳陶

耒陽山下傷工部採石江邊弔翰林
兩地荒墳各三尺
却成開解哭君心

哭貝韜

交朋來哭我來歌
喜傍山家葬荔蘿
四海十年人殺盡
似君埋少不埋多

蠶婦

粉色全無飢色加
豈知人世有榮華
年年道我蠶辛苦
底事渾身著苧麻

山寺

一作中

老僧

草屨無塵心地閒
靜隨猿鳥過寒暄
眼昏齒落看經遍
却向僧中總不言

閩中秋思

雨勻紫菊叢叢色
風弄紅蕉葉葉聲
北畔是山南畔海
祇堪圖畫不堪行

八駿圖

丹雘傳真未得真
那知筋骨與精神
祇今恃駿憑毛色

綠耳驂騮賺殺人

贈僧

利門名路兩何憑
百歲風前短焰燈
祇恐為僧僧

一作心

不了為僧得

一作心

了總

一作盡

輸僧

秋夕

世間多少能詩客
誰是無愁得睡人
自我夜來霜月下
到頭吟魄始終身

溪興

山雨溪風卷釣絲
瓦甌蓬底獨斟時
醒來睡著無人喚

流下前溪

一作灘

也不知

過巢湖

世人貪利復貪榮
來向湖邊始至誠
男子登舟與登陸
把心何不一般行

傷硤石縣病叟

無子無孫一病翁
將何筋力事耕農
官家不管蓬蒿地

須勒

一作索

王租出此中

贈老僧

童子為僧今白首暗鋤心地種閒情時將舊衲添新線
披坐披行過一生

釣叟

田不曾耕地不鋤誰人閒散得如渠渠將底物為香餌
一度擡竿一箇魚

溪岸秋思

桑柘窮頭三四家挂罾垂釣是生涯秋風忽起溪灘

一作

浪
白零落岸邊蘆荻花

春日旅寓

滿城羅綺拖春色幾處笙歌揭畫樓江上有家歸未得
眼前花是眼前愁

田翁

白髮星星筋力衰種田猶自伴孫兒官苗若不平平納
任是豐年也受飢

秋江雨夜逢詩友

故友別來三四載，新詩吟得百餘篇。
夜來江上秋無月，恨不相逢在雪天。

感春

無況青雲

一作春

有恨身眼前，花似夢中春。
浮生七十今

三十已，是人間半世人。

題花木障

不假東風次第吹，筆勻春色一枝枝。
由來畫看勝栽看，免見朝開暮落時。

顧雲侍御出二子請詩因遺一絕

二雛毛骨秀仍竒小小能吟大大詩
想得月中仙挂樹各從生日長新枝

秋夕病中

壞屋不眠風雨夜故園無信水雲秋
病中枕上誰相問一一蟬聲槐樹頭

宿欒城驛却寄常山張書記

一更更盡到三更吟破離心句不成
數樹秋風滿庭月

憶君時復下階行

湘江秋夕

三湘月色三湘水
浸骨寒光似練鋪
一夜塞鴻來不住
故鄉書信半年無

旅懷

薰葭月冷時聞鴈
楊柳風和日聽鶯
水涉山行二年客
就中偏怕雨船聲

贈崔道士

四海兵戈無靜處
人家廢業望烽烟
九華道士渾如燕
猶向尊前笑揭天

贈道林寺

身未立間終日苦
身當立後幾年榮
萬般不及僧無事
共水將山過一生

贈質上人

枿坐雲遊出世塵
兼無餅鉢可隨身
逢人不說人間事
便是人間無事人

涇溪

涇溪石險人兢慎終歲不聞傾覆人却是平流無石處
時時聞說有沈淪

夏日題悟空上人院

三伏閉門披一衲蕪無松竹蔭房廊安禪不必須山水
滅得心中火自涼

經巖陵釣臺

蒼翠雲峰開俗眼泓澄烟水浸塵心惟將道業為芳餌

釣得高名直至今

闕試後筵上別同人

日午離筵到夕陽
明朝秦地與吳鄉
同年多是長安客
不信行人欲斷腸

鷓鴣

一般毛羽

一作色

結羣飛雨岸
烟汀好景時
深水

一作水底

有

魚銜得出看來却是鷓鴣飢

宿村舍

野人於我有何情半掩柴門向月明
深夜欲眠眠未著
一叢寒木一猿聲

題新鴈

一作羅
鄴詩

暮天新鴈起汀洲紅蓼花疎
一作開水國秋想得故園今
夜月幾人相憶在江樓

離家

丈夫三十身
一作今如此疲馬離鄉懶著鞭
槐柳路長愁殺我一枝蟬到一枝蟬

旅舍

一作館

遇雨

月華星彩坐來收，嶽色江聲暗結愁。
半夜燈前十年事

一時和

一作隨

雨到心頭

送人歸泚上

巢湖春漲喻溪深，纔過東關見故林。
莫道南來總無利

水亭山寺二年吟

自遣

糲食粗衣隨分過，堆金積帛欲如何。
百年身後一丘

一作

杯
土貧富高低爭幾多

聞子規

楚天空濶月成

一作沈

輪蜀魄聲聲似告人啼得血流無

用處不如緘口過殘春

秋夜苦吟

吟盡三更未著題竹風松雨共淒淒此時若有人來聽
始覺巴猿不解啼

秋夜聞砧

荒涼客舍眠秋色
砧杵家家弄月明
不及巴山聽猿夜
三聲中有不愁聲

將過湖南經馬當山廟因書三絕

人說馬當波浪險
我經波浪似通衢
大凡君子行藏是
自有龍神衛過湖

貪殘官吏虔誠謁
毒害商人瀝膽過
祇怕馬當山下水
不知平地有風波

九江連海一般深
未必船經廟下沈
頭上蒼蒼沒瞞處

不如平取一生心

梁王坐上賦無雲雨

荀鶴初謁朱全忠雨作而天無行雲全忠曰此謂天

泣知何祥請作無雲雨詩

荀鶴乃賦云云全忠悅

同是乾坤事不同雨絲飛灑日輪中若教陰朗長

一作
翳都

相似爭表梁王造化功

小松

自小刺頭深草裏而今漸覺出蓬蒿時人不識凌雲木
直待凌雲始道高

醉書僧壁

九華山色真堪愛，留得高僧爾許年。
聽我吟詩供我酒，不曾穿得判齋錢。

寄李隱居

自小棲玄到老閒，如雲如鶴住應難。
溪山不必將錢買，贏得來來去去看。

句

舊衣灰絮絮，新酒竹筩筩。

唐詩紀事

只知斷送豪家酒，不

解安排旅客情

間笛吟
憲雜錄

御定全唐詩卷六百九十三

欽定四庫全書

御定全唐詩卷六百九十四

張道古

張道古一名覲字子美臨淄人景福中擢進士第官右拾遺以直諫謫施州司戶後入蜀王建召為武司郎中尋復貶死詩二首

上蜀王

封章才達冕旒前
黜詔俄離玉座端
二亂豈由明主用

五危終被佞臣彈
西巡鳳府非為固
東播鑿與卒未安
諫疏至今如在誰
能更與讀來看

咏雨

亢陽今已久
嘉雨自雲傾
一點不斜去
極多時下成

唐廩

唐廩萍鄉人
乾寧元年登進士第
官祕書正字
詩一首

揚岐山

逗竹穿花越幾村
還從舊路入雲門
翠微不閉樓臺出

清吹頻回水石喧
天外鶴歸松自老
巖間僧逝塔空存
重來白首良堪喜
朝露浮生不足言

王穀

王穀字虛中宜春人
乾寧五年進士第
官終尚書郎集
三卷存詩十八首

吹笙引

媧皇遺音寄玉笙
雙成傳得何淒清
丹穴嬌雛七十一作

十隻一時飛上秋
天鳴水泉迸瀉急
相續一束宮商裂

寒玉旖旎香風繞指生千聲妙盡神仙曲曲終滿席悄
無語巫山冷碧愁雲雨

鴻門讌

寰海沸兮爭戰苦風雲愁兮會龍虎四百年漢欲開基
項莊一劍何虛舞殊不知人心去暴秦天意歸明主項
王足底踏漢土席上相看渾未悟

玉樹曲

陳宮內宴明朝日玉樹新妝逞嬌逸三閣霞明天上開

靈鼉振搥神仙出天花數朵風吹綻對舞輕盈瑞香

金管紅

一作銀

絃旖旎隨霞旌玉佩參差轉壁月夜滿樓

風輕蓮舌泠泠詞調新當行狎客盡持

一作居

祿直諫犯

顏無一人歌舞未終樂未闕晉王劍上粘腥血君臣猶
在醉鄉中一面已無陳日月聖唐御宇三百祀濮上桑
間宜禁止請停此曲歸正聲願將雅樂調元氣

苦熱行

祝融南來鞭火龍火旗焰焰燒天紅日輪當午凝不去

萬國如在洪爐中五嶽翠乾雲彩滅陽侯海底愁波竭
何當一夕金風發為我掃却天下熱

暑日題道邊樹

火輪迸焰燒長空浮埃撲面愁朦朦羸童走馬喘不進
忽逢碧樹含清風清風留我移時住滿地濃陰懶前去
却歎人無及物功不似團團道邊樹

紅薔薇歌

紅霞爛潑猩猩血阿母瑤池曬仙纈晚日春風奪眼明

蜀機錦彩渾疑駝公子亭臺香觸人
百花懣懣無精神
苧羅西子見應妬風光占斷年年新

刺桐花

南國清和烟雨辰刺桐夾道花開新
林梢簇簇紅霞爛
暑天別覺生精神
穠英鬪火欺朱槿
棲鶴驚飛翅憂燼
直疑青帝去忽忽收拾春風渾不盡

贈蒼溪王明府有文在手曰長生

執手長生在人皆號地
仙水雲真遂性龜鶴足一作齊

年但以酒養氣何言命在天況無婚嫁累應拍尚平肩
逢道者神和子

珍重神和子聞名五十年童顏終不改綠髮尚依然酒
裏消閒日人間作散仙長生如可慕相逐隱林泉

送友人歸閩

東南歸思切把酒且留連再會知何處相看共黯然
啼梨嶺路月白建溪船莫戀家鄉住酬身在少年

春草碧色

習習東風扇萋萋草色新淺深千里碧高下一時春嫩
葉舒烟際微香動水濱金塘明夕照輦路惹芳塵造化
功何廣陽和力自均今當發生日瀝懇祝良辰

夢仙謠三首

前程漸覺風光好琪花片片粘瑤草有人遺我五色丹
一粒吞之後天老

青童遞酒金觴疾列坐紅霞神氣逸笑說留連數日間
已是人間一千日

瑤臺絳節遊皆遍異果奇花香撲面
松窓夢覺却神清
殘月林前三兩片

後魏行

力微皇帝謗天嗣太武凶殘人所畏
一朝拈辮飛上天
子孫盡作河魚餌

秋

以下三首
作王獻詩

蟬噪古槐疎葉下樹銜斜日映孤城
欲知潘鬢愁多少
一夜新添白數莖

燕

海燕雙飛意若何
曲梁嘔噉語聲多
茅檐不必嫌卑陋
猶勝吳宮熱爾窠

牡丹

牡丹妖豔亂人心
一國如狂不惜金
曷若東園桃與李
果成無語自垂陰

孫郃

孫郃字希韓四明人
乾寧中登進士第
官校書郎河南

府文學文集四十卷小集三卷今存詩三首

古意二首

擬陳拾遺

屈子生楚國七雄知其才介潔世不容跡合藏蒿萊道
廢固命也瓢飲亦賢哉何事葬江水空使後人哀

魏禮段干木秦王乃止戈小國有其人大國奈之何賢
哲信為美兵甲豈云多君子戰必勝斯言聞孟軻

哭方玄英先生

牛斗文星落知是先生死湖上聞哭聲門前見彈指官

無一寸祿名傳千萬里
死著敝衣裳生誰願
朱紫我心痛其語淚落不能已
猶喜韋補闕揚名薦天子

句

仕官類商賈終日常東西

褚載

褚載字厚之乾寧二年登進士第詩一卷今存詩十四

首

投節度邢公

西風昨夜墜紅蘭一宿郵亭事萬般無地可耕歸不得
有恩堪報死何難流年怕老看將老百計求安未得安
一卷新書滿懷淚頻來門館訴飢寒

賀趙觀文重試及第

一枝仙桂兩回春始覺文章可致身已把色絲要上第
又將彩筆冠羣倫龍泉再淬方知利火浣重燒轉更新
今日街頭看御榜大能榮耀苦心人

贈道士

簪星曳月下蓬壺曾見東皋種白榆六甲威靈藏瑞檢
五龍雷電遶霜都惟教鶴探丹丘信不使一作人窺太
乙爐聞說葛陂風浪惡許騎青鹿從行無

曉發

貪路貪名須早發枕前無計暫徘徊纔聞雞唱呼童起
已有鈴聲過驛來衣濕乍驚霜霧露馬行仍未見塵埃
朝朝陌上侵星去待得酬身了便回

曉感

曉鼓鼕鼕星漢微佩金鳴玉鬪光輝出門各自爭歧路
至老何人免是非大道不應由曲取浮生還要畧知機
故園華表高高在可得不如丁令威

南徐晚望

芳草鋪香晚岸晴岸頭含醉去來行僧歸岳外殘鐘寺
日下江邊調角城入浙孤帆知楚信過淮踈雨帶潮聲
如今未免風塵役寧敢匆匆便濯纓

移石

磷砢一片溪中石恰稱幽人彈素琴浪浸多年苔色在
洗來今日碯痕深磨看粹色何殊玉敲有奇聲直異金
不是不堪為器用都緣良匠未留心

瀑布

瀉霧傾烟撼撼雷滿山風雨助喧豗爭知不是青天闕
撲下銀河一半來

定鼎門

邠廓城高門倚天九重蹤跡尚依然須知道德無關鎖

一閉乾坤一萬年

陳倉驛

錦翼花冠安在哉
雄飛雌伏盡塵埃
一雙童子應惆悵
不見真人更獵來

長城

秦築長城比鐵牢
蕃戎不敢過臨洮
焉知萬里連雲色
不及堯階三尺高

弔秦叟

市西樓店金千秤渭北田園粟萬鍾兒被殺傷妻被虜
一身隨駕到三峰

雲

一作杜
牧詩

盡日看雲首不回無心都大似無才可憐光采一片玉
萬里晴天何處來

鶴

欲洗霜翎下澗邊却嫌菱刺汚香泉沙鷗浦鴈應驚訝
一舉扶搖直上天

句

相逢多是醉醺然，應有囊中子母錢。

以下並見海錄碎事

有興

欲沽紅麴酒，無人同上翠旌樓。星斗離披烟靄收，玉

蟾蜍耀海東頭。

詩月

鹿胎冠子水晶簪，長嘯歌眠紫桂

陰

送

躑躅馬搖金絡，嬋娟人墜玉搔頭。

狂歌

放飲成性，知道逍遙出俗籠。除却洛陽才子後，更

誰封恨弔懷沙。蓮浦浪澄堪倚釣，柳堤風煖好垂鞭。

上馬等閒銷白日，出門輕薄倚黃金。

少年行

浮名方

文雖然病曼倩年涯未有多

鄭準

鄭準字不欺登乾寧進士第為荆南成汭推官後與汭不合為所害渚官集一卷今存詩五首

代寄邊人

君去不來久悠悠昏又明片心因卜解殘夢過橋驚聖澤如垂餌沙場會息兵涼風當為我一二送砧聲

江南清明

金少卿八十三
卷六百九十四
吳山楚驛四年中一見清明一改容旅恨共風連夜起
韶光隨酒著人濃延興門外攀花別采石江頭帶雨逢
無限歸心何計是路邊戈甲正重重

題宛陵北樓

雨來風靜綠蕪鮮
凭著朱闌思浩然
人語獨耕燒後嶺
鳥飛斜沒望中烟
松梢半露藏雲寺
灘勢橫流出浦船
若遣謝宣城不死
必應吟盡夕陽川

寄進士崔魯範

洛陽才子舊交知，別後干戈積詠思。
百戰市朝千里燕，三年風月幾篇詩。
山高鴈斷音書絕，谷背鶯寒變化遲。
會待路寧歸得去，酒樓漁浦重相期。

雲

片片飛來靜又閒，樓頭江上復山前。
飄零盡日不歸去，點破清光萬里天。

句

護犢橫身立，逢人揭尾跳。

題水牛見紀事

陳乘

陳乘仙遊人乾寧初擢進士第官祕書郎詩一首

遊九鯉湖

汗漫乘春至林巒霧雨生洞莓黏屐重巖雪濺衣輕
空宅分三島烟霞接五城却憐饒藥物欲辨不知名

御定全唐詩卷六百九十四

欽定四庫全書

集部
御定全唐詩卷六百九十五至
七

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官中書臣陸 湘

謄錄監生臣馬世昌

欽定四庫全書

御定全唐詩卷六百九十五

韋莊

韋莊字端已杜陵人見素之後疎曠不拘小節乾寧元年第進士授校書郎轉補闕李詢為兩川宣諭和協使辟為判官以中原多故潛欲依王建建辟為掌書記尋召為起居舍人建表留之後相建為平章事集二十卷全編詩五卷補遺一卷

章臺夜思

清瑟怨遙夜，遶絃風雨哀。
孤燈聞楚角，殘月下章臺。
芳草已云暮，故人殊未來。
鄉書不可寄，秋雁又南迴。

延興門外作

芳草五陵道，美人金犢車。
綠奔穿內水，紅落過牆花。
馬足倦遊客，鳥聲歡酒家。
王孫歸去晚，宮樹欲棲鴉。

劉得仁墓

至公遺至藝，終抱至冤沈。
名有詩家業，身無戚里心。
桂

和秋露滴松帶夜風吟冥冥知春否墳蒿日已深

下第題青龍寺僧房

千蹄萬轂一枝芳要路無媒果自傷題柱未期歸蜀國
曳裾何處謁吳王馬嘶春陌金羈鬧鳥睡花林繡羽香
酒薄恨濃消不得却將惆悵問支郎

虢州澗東村居作

東南騎馬出郊坰回首寒煙隔郡城清澗漲時翹驚喜
綠桑疎處哺牛鳴兒童見少生於客奴僕驕多倨似兄

試望家田還自適
滿畦秋水稻苗平

送日本國僧敬龍歸

扶桑已在渺茫中
家在扶桑東更東
此去與師誰共到
一船明月一帆風

對酒

何用巖棲隱姓名
一壺春酎可忘形
伯倫若有長生術

直

一作應

到如今醉未醒

尹喜宅

荒原秋殿柏蕭蕭何代風煙占寂寥紫氣已隨僊仗去
白雲空向帝鄉消濛濛暮雨春雞唱漠漠寒蕪雪兔跳
欲問靈蹤無處所十洲空闊閭山遙

途中望雨懷歸

滿空寒雨漫霏霏去路雲深鎖翠微牧豎遠當煙草立
飢禽閒傍渚田飛誰家樹壓紅榴折幾處籬懸白菌肥
對此不堪鄉外思荷蓑遙羨釣人歸

古離別

一作多情

晴煙漠漠柳毵毵不那離情酒半酣更把玉鞭雲外指
斷腸春色在江南

柳谷道中作却寄

馬前紅葉正紛紛馬上離情斷殺魂曉發獨辭殘月店
暮程遙宿隔雲村心如岳色留秦地夢逐河聲出禹門
莫怪苦吟鞭拂地有誰傾蓋待王孫

灞陵道中作

春橋南望水溶溶一桁晴山倒碧峰秦苑落花零露濕

灞陵新酒撥醅濃
青龍天矯盤雙闕
丹鳳雛褫隔九重
萬古行人離別地
不堪吟罷夕陽鐘

秋日早行

上馬

一作馬上

蕭蕭襟袖涼
路穿禾黍繞宮牆
半山殘月露

華冷一岍野
風蓮萼香煙外
驛樓紅隱隱
渚邊雲樹暗
蒼蒼行人自是心
如火兔走烏飛不覺長

歎落花

一夜霏微露濕煙
曉來和淚喪嬋娟
不隨殘雪埋芳草

盡

一作
又

逐香

一作
春

風上舞筵西子去時遺笑靨謝娥行

處落金鈿飄紅墮白堪惆悵少別穠華又隔年

宮怨

一辭同輦閉昭陽耿耿寒宵禁漏長釵上翠禽應不返
鏡中紅艷豈重芳螢低夜色棲瑤草水咽秋聲傷粉牆
展轉令人思蜀賦解將惆悵感君王

關河道中

槐陌蟬聲柳市風驛樓高倚夕陽東往來千里路長在

聚散十年人不同，但見時光流。
似箭豈知天道曲，如弓平生志業匡。
堯舜又擬滄浪學，釣翁

題盤豆驛水館後軒

極目晴川展畫屏，地從桃塞接蒲城。
灘頭鷺占清波立，原上人侵落照耕。
去鴈數行天際沒，孤雲一點淨中生。
馮軒盡日不迴首，楚水吳山無限情。

梁氏水齋

獨醉任騰騰，琴碁亦自能。
卷簾山對客，開戶犬迎僧。
看

蟻移苔穴聞蛙落石層夜窗風雨急松外一菴燈

曲池

一作作

細雨曲池濱青袍草色新詠詩行信馬載酒喜逢人性
為無機率家因守道貧若無詩自遣誰奈寂寥春

嘉會里閒居

豈知城闕內有地出紅塵草占一方

一作坊

綠樹藏千古

春馬嘶遊寺客犬吠探花人寂寂無鐘鼓槐行接紫宸

夏夜

傍水遷書榻開襟納夜涼
星繁愁晝熱露重覺荷香
蛙吹鳴還息蛛羅滅又光
正吟秋興賦桐影下西牆

早發

早霧濃於雨田深黍稻低
出門難未唱過客馬頻嘶
樹色遙藏店泉聲暗倚畦
獨吟三十里城月尚如珪

寓言

黃金日日銷還鑄
僊桂年年折又生
兔走烏飛如未息
路塵終見泰山平

對雪獻薛常侍

璫林瑤樹忽珊珊急帶西風下
晚天皓鶴襜褕飛不斷
玉山重疊凍相連松裝粉穗臨窗亞
水結氷錐簇溜懸
門外寒光利如劍莫推紅袖訴金船

題裴端公郊居

暫隨紅旆佐藩方高跡終期卧故鄉
已近水聲開澗戶
更侵山色架書堂蒲生岼脚青刀利
柳拂波心綠帶長
莫奪野人樵牧興白雲不識繡衣郎

登咸陽縣樓望雨

亂雲如獸出山前
細雨和風滿渭川
盡日空濛無所見
鴈行斜去字聯聯

貴公子

大道青樓御苑東
玉欄僊杏壓枝紅
金鈴犬吠梧桐院
朱鬣馬嘶楊柳風
流水帶花穿巷陌
夕陽和樹入簾櫳
瑤池宴罷歸來醉
笑說君王在月宮

聽趙秀才彈琴

滿匣冰泉咽又鳴
玉音閑澹入神清
巫山夜雨弦中起
湘水清波指下生
蜂簇野花吟細韻
蟬移高柳迸殘聲
不須更奏幽蘭曲
卓氏門前月正明

觀獵

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鶻翻錦翅雲中落
犬帶金鈴草上飛
直待四郊高鳥盡
掉鞍齊向國門歸

三堂東湖作

滿塘秋水碧泓澄十畝菱花晚鏡清景動新橋橫蝦蟆
岬鋪芳草睡鷓鴣蟾投夜魄當湖落嶽倒秋蓮入浪生
何處最添詩客興黃昏煙雨亂蛙聲

放榜日作

一聲天鼓闢金扉三十仙材上翠微葛水霧中龍乍變
緱山煙外鶴初飛鄒陽暖艷催花發太皞春光簇馬歸
迴首便辭塵土世彩雲新換六銖衣

寄薛先輩

懸知迴日綵衣榮仙籍高標第一名
瑤樹帶風侵物冷
玉山和雨射人清
龍翻海波濤壯鶴出金籠燕雀驚
不說文章與門地自然毛骨是公卿

訪舍弘山僧不遇留題精舍

滿院桐花鳥雀喧
寂寥芳草茂芊芊
吾師正遇歸山日
閑客空題到寺年
池竹閉門教鶴守
琴書開篋任僧傳
人間不自尋行跡
一片孤雲在碧天

寄從兄遵

江上秋風正釣鱸九重天子夢翹車不將高臥邀劉主
自吐清談護漢儲滄海十年龍景斷碧雲千里雁行疎
相逢莫話歸山計明日東封待直廬

漁塘十六韻

在朱陽縣石砦下古老
云洛水一派流出此山

洛水分餘脈

一作派

穿巖出石稜碧經嵐氣重清帶露華

澄瑩澈通三島巖梧

一作梧

積萬層巢由應共到劉阮想

同登僻峻苔如畫山昏霧似蒸撼松衣有雪題石硯生
冰路熟雲中客名留域外僧飢猿尋落橡鬪鼠墮高藤

嶮樹臨溪亞殘莎帶岬崩持竿脚藉草待月好垂簷對
景思任父開圖想不一作弗興晚風輕浪疊暮雨濕煙凝
似泛靈槎出如迎羽客昇仙源終不測勝槩自相仍欲
別誠堪戀長歸又未能他時操史筆為爾著良稱

冬日長安感志寄獻虢州崔郎中二十韻

帝里無成久滯淹別家三度見新蟾却詵丹桂無人指
阮藉青襟有淚霑溪上却思雲滿屋鏡中惟怕雪生髯
病如原憲誰能療蹇似劉禎豈用占霧雨十年同隱遁

風雷何日振沈潛吁嗟每被更聲引歌咏還因酒思添
客舍正甘愁寂寂郡樓遙想醉懨懨已聞鈴閣懸新詔
即向綸闈副具瞻濟物便同川上檝慰心還似邑中黔
觀星始覺中郎貴問俗方知太守廉宅後綠波棲畫鷁
馬前紅袖簇丹檐閑招好客斟香蟻悶對瓊花詠散鹽
積凍慢封寒靄細暮雲高拔遠峰尖訟堂無事冰生印
水榭高唵月透簾松下圍棋期褚胤筆頭飛箭薦陶謙
未知匣劍何時躍但恐鉛刀不再銛雖有遠心長擁篲

恥將新劔學編苔，纔驚素節移銅律。又見玄冥變玉籤，
百口似萍依廣岬。一身如燕戀高簷，如今正困風波力。
更向人中問宋纖。

和薛先輩見寄初秋寓懷即事之作二十韻

玉律初移候，清風乍遠襟。一聲蟬到耳，千炬火然心。嶽
靜雲堆翠，樓高日半沈。引愁憎暮角，驚夢怯殘砧。露白
凝湘簟，風篁韻蜀琴。鳥喧從果爛，塔淨任苔侵。柿葉添
紅景，槐柯減綠陰。採珠逢寶窟，闕石見瑤林。魯殿鏗寒

玉苔山激碎金鄰堂流桂影陳巷集車音名自張華顯
詞因葛亮吟水深龍易失天遠鶴難尋鑒貌寧慙樂論
才豈謝任義心孤劍直學海怒濤深既覩文兼質翻疑
古在今慙聞紆綠綬即候挂朝簪晚樹連秋塢斜陽映
暮岑夜蟲方唧唧疲馬止駸駸託跡同吳燕依仁似越
禽會隨仙羽化香蟻且同斟

同舊韻

大火收殘暑清光漸惹襟謝莊千里思張翰五湖心暮

角迎風急孤鐘向暝沈
露滋三徑草日動四鄰碁
簞委班姬扇蟬悲蔡琰琴
方愁丹桂遠已怯二毛侵
甃石迴泉脉移碁就竹陰
觸絲蛛墮網避隼鳥投林
貌愧潘郎璧文慙呂相金
但埋鄴獄氣未發夔桐音
靜笑劉琨舞閒思阮籍吟
野花和雨斲怪石入雲尋
跡竟一作競終非

切一作幻幽閒且自任
趨時慙藝薄託質仰一作負恩深美

價方稀古清名已絕
今既聞留縞帶詎肯擲著簪
遲客虛高閣迎僧出
亂岑壯心徒戚戚
逸足自駸駸
安羨倉

中鼠危同幕上禽期君調鼎鼎他日俟羊斟

三用韻

素律初迴馭商飈暗觸襟乍傷詩客思還動旅人心蟬
噪因風斷鱗遊見鷺沈笛聲隨晚吹松韻激遙砧地覆
青袍草窗橫綠綺琴煙霄難自致歲月易相侵澗柳橫
孤約巖藤架密陰瀟湘期釣侶鄆杜別家林遺愧虞卿
僻言依季布金錚鏃聞郢唱次第發巴音螢影衝簾落
蟲聲擁砌吟樓高思共眺寺遠想同尋入夜愁難遣逢

秋恨莫任蝸遊苔徑滑鶴步翠塘深莫問榮兼辱寧論
古與今固窮憐瓮牖感舊惜蒿簪晚日舒霞綺遙天倚
黛岑鴛鴦方翾翾驥驥整駸駸未化投陂竹空思出谷
禽感多聊自遣桑落且閒斟

驚秋

不向煙波狎釣舟強親文墨事儒丘長安十二槐花陌
曾負秋風多少秋

登漢高廟閒眺

獨尋仙境上高原雲雨深藏古帝壇天畔晚峰青簇簇
檻前春樹碧團團參差郭外樓臺小斷續風中鼓角殘
一帶遠光何處水釣舟閑繫夕陽灘

耒陽縣浮山神廟

一郡皆傳此廟靈廟前松桂古今青山曾堯代浮洪水
地有唐臣奠綠醑遶坐香風吹寶蓋銜簷煙雨濕巖扃
為霖自可成農歲何用興師遠伐邢

愁

避愁愁又至愁至事難忘夜坐心中火朝為鬢上霜不
經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依砌長蒼苔厚藤抽紫蔓肥風
鶯移樹轉雨燕入樓飛不覺春光暮遶籬紅杏稀

三堂早春

獨倚危樓四望遙杏花春陌馬聲驕池邊冰刃暖初落
山上雪稜寒未銷溪送綠波穿郡宅日移紅影度村橋

主人年少多情味笑換金龜解珥貂

御定全唐詩卷六百九十五

欽定四庫全書

御定全唐詩卷六百九十六

韋莊

雨霽晚眺

庚子年冬大
駕幸蜀後作

入谷路縈紆巖巔日欲晡
嶺雲寒埽蓋溪雪凍黏鬚
臥草踈如兔聽冰怯似狐
仍聞關外火昨夜徹皇都

立春日作

九重天子去蒙塵御柳無情依舊春
今日不關妃妾事

始知辜負馬嵬人

贈雲陽裴明府

南北三年一解攜，海為深谷岼為蹊。
已聞陳勝心降漢，誰為田橫國號齊。
暴客至今猶戰鶴，故人何處尚驅雞。
歸來能作煙波伴，我有魚一作漁舟在五溪。

賊中與蕭韋二秀才同卧重疾，二君尋愈，余獨加焉。恍惚之中，因有題。

與君同卧疾，獨我漸彌留。
弟妹不知處，兵戈殊未休。
胸

中疑晉豎耳下鬪殷牛縱有秦醫在懷鄉亦淚流

重圍中逢蕭校書

相逢俱此地此地是何鄉側目不成語撫心空自傷
劍高無鳥度樹暗有兵藏底事征西將年年戍洛陽

咸通

咸通時代物情奢歡殺金張許史家破產競留天上樂
鑄山爭買洞中花諸郎宴罷銀燈合僊子遊迴僻月斜
人意似知今日事急催絃管送年華

白櫻桃

一作于
鄭詩

王母堦前種幾株，水精簾外看如無。
只應漢武金盤上，瀉得珊珊白露珠。

夜景

滿庭松桂雨餘天，宋玉秋聲韻蜀絃。
烏兔不知多事世，星辰長似太平年。
誰家一笛吹殘暑，何處雙砧擣暮煙。
欲把傷心問明月，素娥無語淡娟娟。

宿山家

山行侵夜到雲竇一星燈草動蛇尋穴枝搖鼠上藤背
風開藥竈向月展漁罾明日前溪路煙蘿更幾層

長年

一作感懷

長年方悟少年非人道新詩勝舊詩十畝野塘留客釣
一軒春雨對僧碁花間醉任黃鶯語

一作說

亭上吟從白

鷺窺大盜不將爐冶去有心重築太平基

辛丑年

九衢漂杵已成川塞上黃雲戰馬閑但有羸兵填渭水

更無奇士出商山
田園已沒紅塵裏
弟妹相逢白刃間
西望翠華殊未返
淚痕空濕劔文斑

思歸

暖絲無力自悠揚
牽引東風斷客腸
外地見花終寂寞
異鄉聞樂更淒涼
一作
刺悲涼紅垂野岸
櫻還熟綠染汀草
又芳舊里若為歸
去好子期凋謝呂安亡

憶昔

昔年曾向五陵遊
子夜歌清月滿樓
銀燭樹前長似晝

露桃華裏

一作下

不知秋西園公子名無忌南國佳人號

莫愁今日亂離俱是夢夕陽唯見水東流

合歡蓮花

虞舜南巡去不歸二妃相誓死江渚空留萬古香魂在
結作雙葩合一枝

覽蕭必先卷

滿軸編新句脩然大雅風名因五字得命合一言通景
盡才難盡吟終意未終似逢曹與謝煙雨思何窮

和人歲宴旅舍見寄

積雪滿前除寒光夜皎如老憂新歲近貧覺故交疎意
合論文後心降得句初莫言常鬱鬱天道有盈虛

宿泊孟津寄三堂友人

解纜西征未有期槐花又逼桂花時鴻臚陌上歸耕晚
金馬門前獻賦遲只恐愁苗生雨鬢不堪離恨入雙眉
分明昨夜南池夢還把漁竿詠楚詞

對酒賦

一作友人贈

多病仍多感君心自我心浮生都是夢浩歎不如吟
白雪篇篇麗清醑盞盞深亂離俱老大強醉莫霑襟

天井關

太行山上雲深處誰向雲中築女牆短綆詎能垂玉甃
繚垣何用學金湯斷開嵐翠為高壘截斷雲霞作巨防
守吏不教飛鳥過赤着何路到吾鄉

贈邊將

昔因征遠向金微馬出榆關一鳥飛萬里只攜孤劍去

十年空逐塞鴻歸，手招都護新降虜。身著文皇舊賜衣，
只待煙塵報天子。滿頭霜雪為兵機。

一作壯心無事，別無機。

春日

忽覺東風

一作君

景漸遲，野梅山杏暗芳菲。落星樓上吹

殘角，偃月營中挂夕暉。旅夢亂隨蝴蝶散，離魂

一作漸情

逐杜鵑飛。紅塵遮一作望斷長安陌，芳草王孫暮不歸。

早秋夜作

翠簾初清暑，半銷撤簾松韻送輕風。一作飈莎庭露永，琴

書潤山郭月明砧杵遙傷砌綠苔鳴蟋蟀遠簷紅樹織
蟪蛄不須更作悲秋賦王粲辭家鬢已凋

寄江南逐客

二年音信阻湘潭花下相思酒半酣記得竹齋風雨夜
對床孤枕話江南

冬夜

睡覺寒爐酒半消客情鄉夢兩遙遙無人為我磨心劍
割斷愁腸一寸苗

又聞湖南荆渚相次陷沒

幾時聞唱凱旋歌處處屯兵未倒戈
天子只憑紅旆壯將軍空恃紫髯多
屍填漢水連荆阜血染湘雲接楚波
莫問流離南越事戰餘空有舊山河

家叔南遊却歸因獻賀

繚繞江南一歲歸歸來行色滿戎衣
長聞鳳詔徵兵急何事龍韜獻捷稀
旅夢遠依湘水闊離魂空伴越禽飛
遙知倚棹思家處澤國煙深暮雨微

楚行吟

章華臺下

一作上

草如煙故郢城頭月似弦惆悵楚宮雲

雨後露啼花笑一年年

洛陽吟

時大駕在蜀巢寇未平洛中寓居作七言

萬戶千門夕照邊
開元時節舊風煙
宮官試馬遊三市
舞女乘舟上九天
胡騎北來空進主
漢皇西去竟昇僊
如今父老偏垂淚
不見承平四十年

過舊宅

華軒不見馬蕭蕭
廷尉門人久寂寥
朱檻翠樓為卜肆
玉欄僊杏作春樵
塔前雨落鴛鴦瓦
竹裏苔封螻蛄橋
莫問此中銷歇寺

一作事

娟娟紅淚滴芭蕉

喻東軍

四年龍馭守峨嵋
鐵馬西來步步遲
五運未教移漢鼎
六韜何必待秦師
幾時鸞鳳歸丹闕
到處烏鳶從白旗
獨把一樽和淚酒
隔雲遙奠武侯祠

清河縣樓作

有客微吟獨凭樓碧雲紅樹不勝愁盤鴟迴印天心沒
遠水斜牽日脚流千里戰塵連上苑九江歸路隔東周
故人此地揚帆去何處相思雪滿頭

北原閒眺

春城回首樹重重立馬平原夕照中五鳳灰殘金翠滅
六龍遊去市朝空千年王氣浮清洛萬古坤靈鎮碧嵩
欲問向來陵谷事野桃無語淚花紅

贈戍兵

漢皇無事暫遊汾底事狐狸嘯作羣夜指碧天占晉分
曉磨孤劍望秦雲紅旌不卷風長急畫角閑吹日又曛
止竟有征須有戰洛陽何用久屯軍

觀軍迴戈

關中羣盜已心離關外猶聞羽檄飛御苑綠莎嘶戰馬
禁城寒月搗征衣漫教韓信兵塗地不及劉琨嘯解圍
昨日屯軍還夜遁滿車空載洛神歸

中渡晚眺

魏王堤畔草如煙，有客傷時獨扣舷。
妖氣欲昏唐社稷，夕陽空照漢山川。
千重碧樹籠春苑，萬縷紅霞襯碧天。
家寄杜陵歸不得，一迴回首一潸然。

河內別村業閑題

阮氏清風竹巷深，滿溪松竹似山陰。
門當谷路多樵客，地帶河聲足水禽。
閒伴爾曹雖適意，靜思吾道好濡襟。
鄰翁莫問傷時事，一曲高歌夕照沈。

聞官軍繼至未覩凱旋

嫖姚何日破重圍
秋草深來戰馬肥
已有孔明傳將略
更聞王導得神機
陣前鞀鼓晴應響
城上烏鳶飽不飛
何事小臣偏注目
帝鄉遙羨白雲歸

和集賢侯學士分司丁侍御秋日雨霽之作

洛岬秋晴夕照長
鳳樓龍闕倚清光
玉泉山淨雲初散
金谷樹多風正涼
席上客知蓬島路
坐中寒有柏臺霜
多慙十載遊梁士
却伴賓鴻入帝鄉

題安定張使君

器度風標合出塵
桂宮何負一枝新
成丹始見金無滓
衝斗方知劍有神
憤氣不銷頭上雪
政聲空布海邊春
中興若繼開元事
堪向龍池作近臣

潁陽縣

琴堂連少室
故事即僊蹤
樹老風聲壯
山高臘候濃
雪多庭有鹿
縣僻寺無鐘
何處留詩客
茆簷倚後峰

寄園林主人

主人常不在
春物為誰開
桃艷紅將落
梨華雪又摧
曉

鶯閑自轉遊客暮空回尚有餘芳在猶堪載酒來

洛北村居

十畝松篁百畝田歸來方屬大兵年巖邊石室低臨水
雲外嵐峰半入天鳥勢去投金谷樹鐘聲遙出上陽煙
無人說得中興事獨倚斜暉憶仲宣

對梨花贈皇甫秀才

林上梨花雪壓枝獨攀瓊艷不勝悲依前此地逢君處
還是去年今日時且戀殘陽留綺席莫推紅袖訴金卮

騰騰戰鼓正多事須信明朝難重持

立春

青帝東來日馭遲煖煙輕逐曉風吹
蜀袍公子樽前覺

錦帳佳人夢裏知雪圃乍開紅菜甲
綵幡新翦一作綠

楊絲殷勤為作一作宜春曲
題向花牋帖繡楮

村笛

簫韶九奏韻淒鏘曲度雖高調不傷
却見孤村明月夜

一聲牛笛斷人腸

題李斯傳

蜀魄湘魂萬古悲
未悲秦相死秦時
臨刑莫恨倉中鼠
上蔡東門去自遲

贈薛秀才

相辭因避世相見尚兵戈
亂後故人少別來新話多
但聞哀痛詔未覩凱旋歌
欲結巖棲伴何山好薜蘿

和元秀才別業書事

僻居春事好水曲亂花陰
浪過河移岼雛成鳥別林
綠

錢榆貫重紅障杏籬深莫飲宜城酒愁多醉易沈

紀村事

綠蔓映雙扉循牆一徑微雨多庭果爛稻熟渚禽肥釀
酒迎新社遙砧送暮暉數聲牛上笛何處餉田歸

題許僊師院

地古多喬木遊人到且吟院開金鑠澀門映綠篁深山
色不離眼鶴聲長在琴往來誰與熟乳鹿住前林

離筵訴酒

感君情重惜分離送我殷勤酒滿卮不是不能判酌酌
却憂前路醉醒時

不寐

不寐天將曉心勞轉似灰蚊吟頻到耳鼠鬪競緣臺戶
閤知蟾落林喧覺雨來馬嘶朝客過知是禁門開

贈武處士

一身唯一室高靜若僧家掃地留疎影穿池浸落霞綠
蘿臨水合白道向村斜賣藥歸來醉吟詩倚釣查

題吉澗盧拾遺莊

主人西遊去不歸，滿溪春雨長春薇。
怪來馬上詩

一作訴

情好印

一作點

破青山白鷺飛

題潁源廟

曾是巢由棲隱地，百川唯說潁源清。
微波乍向雲根吐，去浪遙衝雪嶂橫。
萬木倚簷疎幹直，羣峰當戶曉嵐晴。
臨川試問堯年事，猶被封人勸濯纓。

東遊遠歸

扣角千名計已疎
劔歌休恨食無魚
辭家柳絮三春半
臨路槐花七月初
江上欲尋漁父醉
日邊時得故人書
青雲不識揚生面
天子何由問子虛

新正日商南道中作寄李明府

相看又見歲華新
依舊揚朱拭淚巾
踏雪偶因尋戴客
論文還比聚星人
嵩山不改千年色
洛邑長生一路塵
今日與君同避世
却憐無事是家貧

春暮

一春春事好病酒起常遲流水綠紫砌落花紅墮枝樓
高喧乳燕樹密鬪雛鷗不學山公醉將何自解頤

哭麻處士

却到歌吟地閑門草色中百年流水盡萬事落花空總
帳扃一作寒秋月詩樓鏤夜蟲少微何處墮留恨白楊風

春早

聞鶯纔覺曉閉戶已知晴一帶窗間月一作日斜穿枕上

生

一作明

和友人

閑

一作主

門同隱士不出動經時靜閱王維畫閑翻褚脣

棋落泉當戶急殘月下窗遲却想從來意譙周亦自嗤

春愁

寓思本多傷逢春恨更長露霑湘竹淚花墮越梅妝
睡怯交加夢閑傾潑艷觴後庭人不到斜月上松篁

晚春

花開疑乍富花落似初貧萬物不如酒四時唯愛春
峨

峨秦氏髻皎皎洛川神風月應相笑年年醉病身

題許渾詩卷

江南才子許渾詩字字清新句句奇十斛明珠量不盡
惠休虛作碧雲詞

贈禮佛名者

何用辛勤禮佛名我從無得到真庭尋思六祖傳心印
可是從來讀藏經

殘花

一作于
鄰詩

和煙和露雪

一作雨太

離披金藥紅鬚尚滿枝十日笙歌一

宵夢苧蘿因

一作煙

雨失

一作哭

西施

御定全唐詩卷六百九十六

欽定四庫全書

御定全唐詩卷六百九十七

韋莊

上元縣

荆西作

南朝三十六英雄
角逐興亡盡此中
有國有家皆是夢
為龍為虎亦成空
殘花舊宅悲江令
落日青山弔謝公
止竟霸圖何物在
石麟無主臥秋風

江上逢史館李學士

前年分袂陝城西，醉凭征軒日欲低。
去浪指期魚必變，出門回首馬空嘶。
關河自此為征壘，城闕於今陷戰鞮。

時巢冠
未平

誰謂世途陵是谷，燕來還識舊巢泥。

金陵圖

誰謂傷心畫不成，畫人心逐世人情。
君看六幅南朝事，老木寒雲滿故城。

謁蔣帝廟

建業城邊蔣帝祠，素髯清骨舊風姿。
江聲似激秦軍破，

山勢如匡晉祚危殘雪嶺頭明組練晚霞簷外簇旌旗
金陵客路方流落空祝回鑿奠酒卮

聞再幸梁洋

纔喜中原息戰輦又聞天子幸巴西延燒魏闕非關燕
大狩陳倉不為雞興慶玉龍寒自躍昭陵石馬夜空嘶
遙思萬里行宮夢太白山前月欲低

王道者

五雲遙指海中央金鼎曾傳肘後方三島路岐空有月

十洲花木不知霜因攜竹杖聞龍氣為使僊童帶摘香
應笑我曹身是夢白頭猶自學詩狂

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙窟
只似人間富貴家繡戶夜攢紅燭市舞衣晴曳碧天霞
却愁宴罷青蛾散揚子江頭月半斜

和侯秀才同友生泛舟溪中相招之作

嵇阮相將棹酒船晚風侵浪水侵舷輕如控鯉初離岬

遠似乘槎欲上天
雨外鳥歸吳苑樹
鏡中人入洞庭煙
憑君不用回舟疾
今夜西江月正圓

贈野童

羨爾無知野性真
亂搔蓬髮笑看人
閑衝暮雨騎牛去
官問中興社稷臣

代書寄馬

驅馳曾在五侯家
見說初生自渥洼
鬃白似披梁苑雪
頸肥如撲杏園花
休嫌綠綬嘶貧舍
好著紅纓入使衙

穩上雲衢千萬里年年長踏魏堤沙

題淮陰侯廟

滿把

一作把

椒漿奠楚祠碧幢黃鉞舊英威能扶漢代成

王業忍見唐民陷戰機雲夢去時高鳥盡淮陰歸日故人稀如何不借平齊策空看長星落賊圍

送崔郎中往使西川行在

拜書辭玉帳萬里劍關長新馬杏花色綠袍春草香一身朝玉陛幾日過銅梁莫戀爐邊醉僊宮待侍郎

潤州顯濟閣曉望

清曉水如鏡，隔江人似鷗。
遠煙藏海島，初日照揚州。
地壯孫權氣，雲凝庾信愁。
一篷何處客，吟凭釣魚舟。

觀淞西府相畋遊

十里旌旗十萬兵，等閑遊獵出軍城。
紫袍日照金鵝鬪，紅旆風吹畫虎獰。
帶箭彩禽雲外落，避鵬寒兔月中驚。
歸來一路笙歌滿，更有僊娥載酒迎。

官莊

江南富民悉以犯酒沒家產，因以此詩諷之。淞帥遂改酒法，不入財產。

誰氏園林一簇煙
路人遙指盡長歎
桑田一作林稻澤今
無主新犯香醪沒入官

解維

又解征帆落照中
暮程還過秣陵東
二一作三年辛苦煙

波裏羸得風姿似釣翁

雨霽池上作呈侯學士

鹿巾藜杖葛衣輕
雨歇池邊晚吹清
正是如今江上好
白鱗紅稻紫萸羹

寓言

為儒逢世亂吾道欲何之學劍已應晚歸山今又遲故
人三載別明月兩鄉悲惆悵滄江上星星鬢有絲

哭同舍崔員外

却到同遊地三年一電光池塘春草在風燭故人亡祭
罷泉聲急齋餘磬韻長碧天應有恨斜日弔松篁

題姑蘇凌處士莊

一簇林亭返照間門當官道不曾關花深遠岫黃鶯鬧

雨急春塘白鷺閑
載酒客尋吳苑寺
倚樓僧看洞庭山
怪來話得僊中事
新有人從物外還

過當塗縣

客過當塗縣
停車訪舊遊
謝公山有墅
李白酒無樓
采石花空發
烏江水自流
夕陽誰共感
寒鷺立汀洲

江亭酒醒却寄維揚餞客

別筵人散酒初醒
江步黃昏雨雪零
滿坐綺羅皆不見

覺來紅樹

一作

背銀屏

臺城

江雨霏霏江草齊六朝如夢鳥空啼
無情最是臺城柳
依舊煙籠十里堤

贈漁翁

草衣荷笠鬢如霜自說家編楚水陽
滿岸秋風吹枳橘
遼波煙雨種菰蔣
蘆刀夜繪紅鱗膩
水甌朝蒸紫芋香
曾向五湖期范蠡
爾來空闊久相忘

過揚州

當年人未識兵戈處處青樓夜夜歌
花發洞中春日永月明衣上好風多
淮王去後無雞犬煬帝歸來葬綺羅
二十四橋空寂寂綠楊摧折舊官河

寄右省李起居

已向駕行接雁行便應雙拜紫薇郎
纔聞闕下徵書急已覺回朝草詔忙
白馬似憐朱紱貴綵衣遙惹御爐香
多慙十載遊梁客未換青襟侍素王

鑷白

白髮太無情朝朝鑷又生始因絲一縷漸至雪千莖不
避佳人笑唯慙稚子驚新年過半百猶歎未休兵

漳亭驛小櫻桃

一作
桃花

當年此樹正花開五馬僊郎載酒來李白已亡工部死
何人堪伴玉山頽

酬吳秀才雪川相送

一葉南浮去似飛楚鄉雲水本無依離心不忍聞春鳥
病眼何堪送落暉摻袂客從花下散棹舟人向鏡中歸

夫君別我應惆悵十五年來識素衣

對雨獨酌

榴花新釀綠於苔對雨閑傾滿滿杯
荷鋤醉翁真達者臥雲遁客竟悠哉
能詩豈是經時策愛酒原非命世才
門外綠蘿連洞口馬嘶應是步兵來

夏初與侯補闕江南有約同泛淮汴西赴行朝
莊自九驛路先至角橋補闕由淮楚續至泗上
寢病旬日遽聞捐館回首悲慟因成長句四韻

弔之

已後自荆西遊汴宋路至陳舍迎
駕却過昭義相州路歸金陵作

本約同來謁帝閣，忽隨川浪去東奔。
九重聖主方虛席，千里高堂尚倚門。
世德只應榮伯仲，詩名終自付兒孫。
遙憐月落清淮上，寂寞何人弔旅魂。

汴堤行

欲上隋堤舉步遲，隔雲烽燧叫非時。
纔聞破虜將休馬，又道征遼再出師。
朝見西來為過客，暮看東去作浮屍。
綠楊千里無飛鳥，日落空投舊店基。

旅次甬西見兒童以竹槍紙旗戲為陣列主人
叟曰斯子也三世沒於陣思所襲祖父讐余因
感之

已聞三世沒軍營又見兒孫學戰爭見爾此言堪慟哭
遣予何日望時平

自孟津舟西上雨中作

秋煙漠漠雨濛濛不卷征颿任晚風百口寄安滄海上
一身逃難綠林中來時楚岫揚花白去日隋堤蓼穗紅

却到故園翻似客歸心迢遞秣陵東

舍山店夢覺作

曾為

一作是

流離慣別家等閒揮袂客

一作各

天涯燈前一

覺江南夢惆悵起來山月斜

題貂黃嶺官軍

散騎蕭蕭下太行遠從吳會去陳倉斜風細雨江亭上

盡日凭欄憶楚

一作鄉

過內黃縣

相州吹角欲斜陽
匹馬搖鞭宿內黃
僻縣不容投刺客
野陂時遇射鵰郎
雲中粉堞新城壘
店後荒郊舊戰場
猶指去程千萬里
秣陵煙樹在何鄉

雜感

莫悲建業荆榛滿
昔日繁華是帝京
莫愛廣陵臺榭好
也曾蕪沒作荒城
魚龍爵馬皆如夢
風月煙花豈有情
行客不勞頻悵望
古來朝市歎衰榮

垣縣山中尋李書記山居不遇留題河次店

白雲紅樹坑峴

一作坑峴

東名鳥羣飛古畫中倦吏不知何

處隱山南山北雨濛濛

送人遊并汾

風雨蕭蕭欲暮秋獨攜孤劍塞垣遊
如今虜騎方南牧莫過陰關第一州

李氏小池亭十二韻

時在婺州寄居作

積石亂巉巉庭莎綠不芟小橋低跨水危檻半依巖
花落魚爭啞櫻紅鳥競鷗

竹咸切鳥啄物也

引泉疏地脈掃絮積

山嵌古柳紅綃織新篁紫綺緘養猿秋嘯月放鶴夜棲
杉枕簟谿雲膩池塘海雨鹹語窗雞逞辨砥鼎犬偏饒
踏蘚青粘屐攀蘿綠映衫訪僧舟北渡貫酒日西銜遲
客登高閣題詩遠翠岫家藏何所寶清韻滿琅函

遣興

如幻如泡世多愁多病身亂來知酒聖貧去覺錢神異
國清明節空江寂寞春聲聲林上鳥喚我北歸秦

婺州和陸諫議將赴闕懷陽羨山居

望闕路仍遠
子年魂欲飛
道開燒藥鼎
僧寄臥雲衣
故國饒芳草
他山挂夕暉
東陽雖勝地
王粲奈思歸

江上題所居

故人相別盡
朝天苦竹江
頭獨閉闌
落日亂蟬蕭
帝寺碧雲歸
鳥謝家山
青州從事來
偏熟泉布
先生老漸慳
不是對花長
醕酹永嘉
時代不如閑

婺州屏居
蒙右省王
拾遺車枉
降訪病中
延候
不得因成
寄謝

三年流落臥漳濱
王粲思家拭淚頻
畫角莫吹殘月夜
病心方憶故園春
自為江上樵蘇客
不識天邊侍從臣
怪得白鷗驚去盡
綠蘿門外有朱輪

將卜蘭芷村居留別郡中在仕

蘭芷江頭寄斷蓬
移家空載一颿風
伯倫嗜酒還因亂
平子歸田不為窮
避世漂零人境外
結茅依約畫屏中
從今隱去應難覓
深入蘆花作釣翁

和陸諫議避地寄東陽進退未決見寄

未歸天路紫雲深暫駐東陽歲月侵入洛聲華當世重
閱周章句滿朝吟開爐夜看黃芽鼎臥甕朝歌白玉簪
讀易草元人不會憂君心是致君心

山墅閒題

遞迤前岡壓後岡一川桑柘好殘陽主人饋餉炊紅黍
鄰父攜竿釣紫魴靜極却嫌流水鬧閑多翻笑野雲忙
有名不那無名客獨閉衡門避建康

江上逢故人

前年送我曲江西紅杏園中醉似泥今日逢君越溪上
杜鵑花發鷓鴣啼來時舊里人誰在別後滄波路幾迷
江畔玉樓多美酒仲宣懷土莫淒淒

旅中感遇寄呈李秘書昆仲

南望愁雲鑠翠微謝家樓閣雨霏霏劉楨病後新詩少
阮籍貧來好客稀猶喜故人天外至許將孤劍日邊歸
懷鄉不怕嚴陵笑只待秋風別釣磯

送范評事入關

寂寥門戶寡相親
日日頻來只有君
正喜琴尊長作伴
忽攜書劍遠辭羣
傷心柳色離亭見
聒耳蟬聲故國聞
為報明年杏園客
與留絕艷待終軍

東陽酒家贈別二絕句

送君同上酒家樓
酩酊翻成一笑休
正是落花饒悵望
醉鄉前路莫回頭

天涯方歎異鄉身
又向天涯別故人
明日五更孤店月

醉醒何處淚

一作各

霑巾

江上村居

本無踪跡戀柴扃，世亂須教識道情。
顛倒夢魂愁裏得，振竒詩句望中生。
花綠艷絕栽難好，山為看多詠不成。
聞道漢軍新破虜，使來仍說近離京。

江外思鄉

一作歸

年年春日異鄉悲，杜曲黃鶯可得知。
更被夕陽江岸上，斷腸煙柳一絲絲。

和鄭拾遺秋日感事一百韻

禍亂天心厭流離客思傷有家拋上國無罪謫遐方負
笈將辭越揚颿欲泛湘避時難駐足感事易回腸雅道
何銷德妖星忽耀芒中原初縱燎下國竟探湯盜據三
秦地兵纏八水鄉戰塵輕犯闕羽旆遠巡梁自此修文
代俄成講武場熊羆驅涿鹿犀象走昆陽御馬迷新棧
宮娥改舊妝五丁功再覩八難事難忘鳳引金根疾兵
環玉弩彊建牙雖可恃摩壘詎能防霍廟神遐遠圮橋
路杳茫出師威似虎禦敵狼如羊看畫猶思赤巾裁未

厭黃晨趨鳴鐵騎夜舞挹瓊觴僭侈彤襜亂誼呼繡鬣
攘但聞爭曳組詎見學垂韁鵠印提新篆龍泉奪曉霜
軍威徒逗撓我武自維揚負宸勞天眷凝旒念國章繡
旗張畫獸寶馬躍紅鸞但欲除妖氣寧思蔽耿光曉煙
生帝里夜火入春坊烏怪巢宮樹狐驕上苑牆設危終
在德視履豈無祥氣激雷霆怒神驅岳瀆忙功高分虎
節位下耻龍驤遍命登壇將廵封異姓王志求扶墜典
力未振頽綱漢路閑鷓鴣雲衛駐驕驍寶裝軍器麗麇

裒戰袍香日覩兵書捷時聞虜騎亡人心驚獬豸雀意
伺螳螂上略咸推妙前鋒詎可當紆金光照耀執玉意
藏昂覆餗非無謂著華事每詳四民皆組綬九土墮耕
桑飛騎黃金勒香車翠鈿裝八珍羅膳府五采鬪筐牀
宴集喧華第歌鐘簇畫梁永期傳子姓寧誤犯天狼未
覩君除側徒思玉在傍竄身奚可保易地喜相將國運
方夷險天心詎測量九流雖暫蔽三柄豈相妨小孽乖
躔次中興繫昊蒼灑堯功已普罪已德非涼帝念惟思

理臣心豈自違詔催青瑣客時待紫微郎定難輸宸算

勝災減

一作減

御筮皇恩思蕩蕩睿澤喜洋洋偃臥雖非

晚艱難亦備嘗舜庭招諫鼓漢殿上書囊儉德遵三尺

清朝俟一匡世隨漁父醉身效接輿狂竄逐同天寶遭

罹異建康道孤悲海澨家遠隔天潢卒歲貧無褐經秋

病泛漳似魚甘去乙比蟹未成筐守道慙無補趨時愧

不臧殷牛常在耳晉豎欲潛育忸恨山思板懷歸海欲

航角吹魂悄悄笛引淚浪浪亂覺乾坤窄貧知日月長

勢將隨鶴列，忽喜遇鴛行。
已報新回駕，仍聞近納隍。
文風銷劍楯，禮物換旂裳。
紫闥重開序，青衿再設庠。
黑頭期命爵，頰尾尚憂魴。
吳坂嘶騏驥，岐山集鳳皇。
詞源波

浩浩諫署玉，鏘鏘飼雀曾。
傳慶烹蛇詎，有殃弋弓揮。

一作

禪勁鏃匣劍淬神鋸，
諤諤寧慙直堂堂。
不謝張曉風趨

建禮夜月直文昌，去國時雖久安邦。
志不常良金鑑自躍，美玉積難藏。
北望心如旆，西歸律變商。
跡隨江燕去，心逐塞鴻翔。
晚翠籠桑塢，斜暉挂竹堂。
路愁千里月，田

愛萬斯箱伴釣歌前浦隨樵上遠岡鶯眠依晚嶼鳥浴
上枯楊驚夢綠欵枕多吟為倚廊訪僧紅葉寺題句白
雲房颯外青楓老尊前紫菊芳夜燈耿耿曉露玉灑
灑異國慙傾蓋歸塗俟併糧身雖留震澤心已過雷塘
執友知誰在家山各已荒海邊登桂檝煙外泛雲檣巢
樹禽思越嘶風馬戀羌寒聲愁聽杵空館厭聞蟹望闕
飛華蓋趨朝振玉璫米慙無蕙苴麵喜有枕擲話別心
重結傷時淚一滂佇歸蓬島後綸詔潤青絳

夢入關

夢中乘傳過關亭南望蓮峰簇簇青馬上正吟歸去好
覺來江月滿前庭

送人歸上國

送君江上日西斜泣向江邊滿樹花若見青雲舊相識
為言流落在天涯

聞春鳥

雲晴春鳥滿江村還似長安舊日聞紅杏花前應笑我

我今顛顛亦羞君

櫻桃樹

記得初生

一作開

雪滿枝和蜂和蝶帶花移而今花落遊

蜂去空作主人惆悵詩

獨鶴

夕陽灘上立裴回紅蓼風前雪翅開應為不知棲宿處
幾回飛去又飛來

新栽竹

寂寞堦前見此君
遶欄吟罷却沾巾
異鄉流落誰相識
唯有叢篁似主人

一作伴

稻田

綠波春浪滿前陂
極目連雲擺耜肥
更被鷺鷥千點雪
破煙來入畫屏飛

庭前菊

為憶長安爛漫開
我今移爾滿庭栽
紅蘭莫笑青青色
曾向龍山泛酒來

燕來

去歲辭巢別近鄰
今來空訝草堂新
花開對語應相問
不是村中舊主人

倚柴關

杖策無言獨倚關
如癡如醉又如閑
孤吟盡日何人會
依約前山似故山

題七步廊

席

一作社

門無計那

一作奈

殘陽


更接簷前七步廊
不羨東

都丞相宅每行吟得好篇章

語松竹

庭前芳草綠於一作袍堂上詩人欲二毛多病不禁秋

寂寞雨松風竹莫騷騷



御定全唐詩卷六百九十七